

PUC ah 'Hlachham Kutpui' hun hmang



AIZAWL: Sahitya Akademi bultumin nimin khan Pachhunga University College Seminar Hall-ah Hlachham Kutpui '3rd Poetry Festival for Young Mizo Poets' buatsaih a ni a, Higher & Technical Education Minister Dr R Lalthangliana'n hawng.

Dr R Lalthangliana chuan, Mizo hla tha leh hlu tak tak te chu hnamdang chhian theiha chhawpchuah zel a tul thu sawiin, "Mizote hian kan thu leh hla hmangin khawvel kan dengchhuak thei a, khawvel kan hneh thei a ni," a ti a. Poetry festival chu tun aia lian zawk, University leh College dangte tel theihna tur la buatsaih zel tha a tih thu a sawi bawk.

Hlachham Kutpui-ah hian Mizo Poetry Society President Prof. RL

Thanmawia pawhin thu sawiin, khawvelah poetry harhtharna a thleng mek tih sawiin, Mizo thalai zingah pawh he harhtharna hian bu a khuar mek niin a sawi a. Poetry chu mahni nihna te, vei zawng te, fuihna te, ngaihdan te puanchhuahna ropui tak a nih thu sawiin, "Tuna thalaite hla phuah hi nakinah research te la beiin an la zirchiang dawn a ni," a ti.

He Festival coordinator, H. Laldinmawia, Asst Professor, Pachhunga University College leh Mipoty Secretary ni bawk chuan, he festivalah hian thalai kum 40 hnua lam hla phuahthiam mi 30 ten an hla an chhian dawn niin a sawi.

Vawiinah programme hi Pachhunga University College Seminar Hall-ah chhunzawm a ni leh ang.

PUC-ah Poetry Festival buatsaih

Sahitya Akademi bultumin nimin khan Pachhunga University College (PUC) Seminar Hall-ah Mizo Poetry Society leh PUC Mizo department chuan hla-chham kûtpui, Poetry Festival for Young Mizo Poets vawi thumna an buatsaih a, Higher & Technical Education minister Dr R Lalthangliana'n a hawng.

Dr R Lalthangliana chuan, Mizo hla tha leh hlu tak takte chu hnam dang chhiar theiha leh-

lin zel a tul thu sawiin, "Mizote hian kan thu leh hla hmangin khawvel kan dêngchhuak thei a, khawvel kan hneh thei a ni," a ti a; Poetry Festival chu tun aia lian zawk, university leh college dangte tel theihna tura la buatsaih zel tha a tih thu a sawi.

Festival hawnna hi PUC Mizo department-a assistant professor Dr Zoramdinthara'n a kai-hruai a; Sahitya Akademi regional secretary Dr Devendra Kumar De-

vesh, Sahitya National Council member Dar-chuailova Renthlei, PUC principal Dr Tawnenga leh Mizo Poetry Society president Prof. RL Thanmawia te pawhin thu an sawi.

Festival coordinator H Laldinmawia, PUC Mizo assistant professor-in report a pek danin, Festival-ah hian thalai kum 40 hnuai lam hla phuah thiam mi 30-te'n an hlate an chhiar chhuak dawn a; vawiinah chhun-zawm a ni ang.